



## **TOSHKENT DAVLAT YURIDIK UNIVERSITETI REKTORINING B U Y R U G ' I**

---

13.12.2022

347-tm-son

### **Mustaqil izlanuvchilikka suhbat tashkil etish to'g'risida**

O'zbekiston Respublikasi Prezidentining 2017-yil 16-fevraldagi "Oliy o'quv yurtidan keyingi ta'lim tizimini yanada takomillashtirish to'g'risida"gi PF-4958-son Farmoni va O'zbekiston Respublikasi Vazirlar Mahkamasining 2017-yil 22-maydagi "Oliy ta'limdan keyingi ta'lim tizimini yanada takomillashtirish chora-tadbirlari to'g'risida"gi 304-son qaroriga muvofiq, shuningdek talabgorlarning arizalariga asosan

### **B U Y U R A M A N:**

1. O'zbekiston Respublikasi Prezidenti Administratsiyasi rahbarining 2022-yil 4-noyabrdagi 02-RA 1/1-1674-son hamda O'zbekiston Respublikasi Bosh vazirining 2022-yil 5-noyabrdagi 24/1-2878-son topshiriqlariga muvofiq, 2023-yil uchun oliy ta'limdan keyingi ta'lim institutlariga (PhD/DSc) o'qishga qabul qilishda tanlovlarda xorijiy tilni bilish darajasidan qat'i nazar milliy yoki unga mos darajadagi xalqaro sertifikatga ega talabgorlarni doktoranturaga kirish tanlovlarida ishtirok etishga ruxsat berilganligi hamda O'zbekiston Respublikasi Innovatsion rivojlanish vazirligi, Oliy va o'rta maxsus ta'lim vazirligi, Fanlar akademiyasi, Vazirlar Mahkamasi huzuridagi Davlat test markazi hamda Vazirlar Mahkamasi huzuridagi Xorijiy tillarni o'rganishni ommalashtirish agentligining joriy yil 22-noyabr kuni qabul qilingan 2023-yil uchun oliy ta'limdan keyingi ta'lim institutlariga (PhD/DSc) hamda stajyor-tadqiqotchilik institutiga o'qishga qabul qilishda tanlovlarni o'tkazish tartibi to'g'risidagi qo'shma qarori (keyingi o'rinlarda – qo'shma qaror) ma'lumot uchun qabul qilinsin.

#### **2. Quyidagilar:**

Mustaqil izlanuvchilik (PhD va DSc) institutiga o'qishga kirayotgan talabgorlar bilan ixtisosliklar bo'yicha suhbat o'tkazuvchi komissiya (keyingi o'rinda – komissiya) tarkibi 1-ilovaga;

Mustaqil izlanuvchilik (PhD va DSc) institutiga qabul qilish bo'yicha talabgorlar bilan ixtisosliklar bo'yicha suhbat o'tkazish jadvali 2-ilovaga;

Mustaqil izlanuvchilik (PhD va DSc) institutiga qabul qilish bo'yicha

suhbatda ishtirok etuvchi talabgorlar ro'yxati 3-ilovaga muvofiq tasdiqlansin.

3 Ilmiy boshqarma (I.Ergashev):

Qo'shma qarorning 2-bandida oliy ta'lim muassasalari va ilmiy tashkilotlarda oliy ta'limdan keyingi ta'lim tanlovlarini o'tkazishda, ya'ni xorijiy tillardan milliy yoki unga mos darajadagi xalqaro sertifikatni taqdim etishning oxirgi muddati 2022-yil 16-dekabrgacha belgilanganligini e'tiborga olib, mazkur muddatgacha xorijiy tillardan milliy yoki unga mos darajadagi xalqaro sertifikatni taqdim etgan talabgorlar uchun mustaqil izlanuvchilikka suhbat tashkil etilishi yuzasidan qo'shimcha buyruq chiqarilishini ta'minlasin;

Mustaqil izlanuvchilik (PhD va DSc) institutiga o'qish uchun kirayotgan talabgorlar bilan ixtisosliklar bo'yicha o'tkaziladigan suhbatni onlayn translyasiya (ZOOM platformasi/Youtube linki) qilinishini;

Jamoatchilik va OAV bilan aloqalar bo'limi (J.Xaydarov) bilan birgalikda maqsadli doktorantura, tayanch doktoranturaga imtihon va doktoranturaga suhbat o'tkazilishi to'g'risidagi ma'lumotlarni imtihon va suhbat o'tkazilishidan kamida

2 kun oldin universitet universitetning rasmiy veb sayti va ijtimoiy tarmoqlaridagi sahifalarida yoritilishini ta'minlasin;

Mustaqil izlanuvchilik institutining suhbat natijalarini tasdiqlash uchun Toshkent davlat yuridik universiteti kengashiga kiritsin.

4. Komissiya suhbatni qonunchilik hujjatlariga to'liq amal qilgan holda adolatli, haqqoniy va xolisona o'tkazsin.

5. Ushbu buyruq ijrosini nazorat qilish prorektor B. Xodjayev zimmasiga yuklansin.

**Rektor v.v.b.**



**I.RUSTAMBEKOV**

Toshkent shahar

### **Kiritildi:**

Boshqarma boshlig'i

I.ERGASHEV



### **Kelishildi:**

Ilmiy ishlar va innovatsiyalar  
bo'yicha prorektor

B.XODJAYEV



yuriskonsult

D.ALIBOYEV

